



REPUBLIKA E SHQIPERISE
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.1924, datë 30.04.2012

Për

“Miratimin për këshillim publik të dokumentit “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre””

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

- | | | |
|----------------|------------|---------|
| 1. Z. Piro | Xhixho | Kryetar |
| 2. Z. Alban | Karapici | Anëtar |
| 3. Znj. Alketa | Mukavelati | Anëtar |
| 4. Z. Benon | Paloka | Anëtar |
| 5. Znj. Zamira | Nurçe | Anëtar |

dhe sekretare Znj. Marsida Drushku, në mbledhjen e datës 30.04.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27.05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, mori në shqyrtim, çështjen me objekt:

“Miratimin për këshillim publik të dokumentit “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre””

BAZA LIGJORE:

1. Kodi i Procedurës Administrative (**KprA**);
2. Shkronja p) e nenit 8, neni 79 dhe 110 i ligjit nr. 9918, datë 19.05.2008 “Për Komunikimet Elektronike në Republikën e Shqipërisë” (**ligji nr. 9918**);
3. Vendimi i Këshillit të Ministrave Nr.331, datë 14.4.2011 “Për miratimin e Rregullit Teknik “Për kërkesat thelbësore dhe vlerësimin e konformitetit të pajisjeve radio dhe fundore të telekomunikacioneve”” (**Vendim i Këshillit të Ministrave**);
4. Pika 17 e nenit 21 “Rregullores së Brendshme të AKEP (ish ERT)” (**Rregullorja e**

Brendshme), miratuar me Vendim të Këshillit Drejtues (*VKD*) të ERT-së, Nr. 170, datë 24. 04. 2004, e ndryshuar dhe në fuqi sipas pikës 3 të nenit 138 të ligjit nr. 9918;

K Ë S H I L L I D R E J T U E S :

Nga shqyrtimi i materialit shkresor si më poshtë:

1. Relacioni shpjegues mbi dokumentin “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre”;
2. Dokumenti “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre”;
3. Projektvendimi përkatës; si dhe,
4. Diskutimet në mbledhje mbi çështjen;

Duke iu referuar bazës ligjore të sipërcituar,

V Ë R E N s e :

1. Dokumenti “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre” është përgatitur në përputhje me kuadrin ligjor përkatës. Hartimi i Rregullores është kryer duke u bazuar edhe në Direktivën 1999/5/EC (Mbi pajisjet radio dhe pajisjet fundore të telekomunikacioneve dhe njohjen reciproke të konformitetit të tyre) dhe Vendimin e Këshillit të Ministrave Nr.331, datë 14.4.2011 “Për miratimin e Rregullit Teknik “Për kërkesat thelbësore dhe vlerësimin e konformitetit të pajisjeve radio dhe fundore të telekomunikacioneve””.

Në këtë Rregullore janë përcaktuar kërkesat thelbësore që duhet të plotesojnë pajisjet radio e pajisjet fundore të telekomunikacioneve, të cilat futen në treg, dhe vendosen në shërbim në Republikën e Shqipërisë. Kjo Rregullore është parashikuar të zbatohet për pajisjet radio e pajisjet fundore të telekomunikacioneve të importuara, si dhe për ato pajisje që mund të prodhohen në Shqipëri në të ardhmen.

Gjatë hartimit të Rregullores janë trajtuar gjithashtu procedurat e vlerësimit të konformitetit, shënimi i pajisjeve R&TT me shenjat përkatëse të konformitetit dhe roli që duhet të luajë AKEP në mbikqyrjen e tregut të pajisjeve radio dhe pajisjeve fundore të telekomunikacioneve në vendin tonë.

P Ë R K Ë T O A R S Y E :

Bazuar në Kodin e Procedurave Administrative, ligj nr. 9918, datë 19.05.2008 dhe VKM Nr.331, datë 14.4.2011 ,

V E N D O S :

1. Miratimin për këshillim publik të dokumentit “Rregullore për Pajisjet Radio dhe Fundore të Telekomunikacioneve dhe Njohjen e Konformitetit të tyre”.

2. Afati kohor i këshillimit publik është 30 ditë nga data e miratimit të këtij dokumenti.
3. Ky vendim të publikohet në faqen e internetit www.akep.al

Ky vendim hyn në fuqi menjëherë.

K R Y E T A R I

Piro XHIXHO

ANËTARËT E KËSHILLIT DREJTUES:

1. **Alban KARAPICI** _____
2. **Alketa MUKAVELATI** _____
3. **Benon PALOKA** _____
4. **Zamira NURÇE** _____

RREGULLORE

Nr..., date

Per Pajisjet Radio dhe Fundore te Telekomunikacioneve dhe Njohjen e Konformitetit te tyre

Në mbështetje të ligjit nr. 9918, datë 19.05.2008 “Për komunikimet elektronike në Republikën e Shqipërisë”, dhe Vendimit të Këshillit të Ministrave Nr.331, datë 14.4.2011 “Per miratimin e Rregullit Teknik “Per kerkesat thelbesore dhe vleresimin e konformitetit te pajisjeve radio dhe fundore te telekomunikacioneve””,

KËSHILLI DREJTUES I AKEP

VENDOSI:

Neni 1

Qëllimi i rregullore

Kjo Rregullore ka per qellim te percaktoje rregullat qe duhen ndjekur per importimin, vendosjen ne treg, levizjen e lire dhe venien ne sherbim te pajisjeve radio e te pajisjeve fundore te telekomunikacioneve ne Republiken e Shqiperise. Rregullorja eshte hartuar duke u mbeshtetur ne Direktiven 1999/5/EC.

Neni 2

Fusha e zbatimit

1. Kjo Rregullore zbatohet nga fabrikuesit, përfaqësuesit e autorizuar të fabrikuesve, subjektet përgjegjëse për vendosjen e pajisjeve në tregun shqiptar dhe nga operatorët e rrjeteve të komunikimeve elektronike (kur blerja bëhet prej tyre jashtë tregut Shqiptar).
2. Kjo Rregullore zbatohet për pajisjet e radiokomunikimit dhe pajisjet fundore të telekomunikacioneve.
3. Kjo Rregullore zbatohet gjithashtu për aparatet, kur ato përfshijnë si një pjesë të tërë ose si aksesori një pajisje mjekësore ose një pajisje mjekësore aktive transplantimi.
4. Kjo Rregullore përcakton kërkesat thelbësore në veprimtarinë e vendosjes në treg, lëvizjes së lirë dhe vënies në shërbim të pajisjeve radio e të pajisjeve fundore të telekomunikacioneve në Republikën e Shqipërisë. Kjo Rregullore zbatohet për pajisjet e importuara, si dhe për ato që mund të prodhohen në Shqipëri.
5. Ne kete Rregullore eshte pershkruar gjithashtu procedura e njohjes se konformitetit per pajisjet radio.

6. Kjo Rregullore nuk zbatohet për pajisjet radio dhe pajisjet fundore të telekomunikacioneve të listuara në Aneksin 1.

7. Kjo Rregullore nuk zbatohet për pajisjet që përdoren ekskluzivisht për aktivitete që lidhen me sigurinë publike, mbrojtjen, sigurinë kombëtare dhe aktivitetet e shtetit në fushën e aplikimit të ligjit kundër krimit në Republikën e Shqipërisë.

8. Nuk duhet të pengohen apo krijohen pengesa për shfaqjen në panairë, ekspozita e në demonstrime të pajisjeve që nuk janë në përputhje me këto rregulla, me kushtin që një shënim i qartë dhe i dukshëm të tregojë që një pajisje e tillë nuk mund të vendoset në treg apo në shërbim pa u sjellë në përputhje me këtë Rregullore.

Neni 3 **Perkufizime**

Ne kuptimin e kësaj Rregulloreje termat e mëposhtem kanë këto kuptime:

1. **“Direktiva R&TTE”**, është Direktiva 1999/5/EC (mbi pajisjet radio dhe pajisjet fundore të telekomunikacioneve dhe njohjen reciproke të konformitetit të tyre).

2. **“Kërkesat thelbësore”**, janë kërkesat e përgjithshme dhe specifike, të cilat duhet të plotesoje një pajisje radio dhe pajisje fundore të telekomunikacioneve sipas Direktives R&TTE dhe Vendimit të Këshillit të Ministrave Nr.331, datë 14.04.2011. Vlerësimi i konformitetit është bazuar në përputhjen e këtyre produkteve me një komplet të kërkesave esenciale që janë si më poshtë:

i. Për të gjitha pajisjet brenda fushës së kësaj Rregulloreje aplikohen këto kërkesa thelbësore:

a) Mbrojtja e shëndetit dhe siguri i përdoruesit, si dhe i çdo personi tjetër, duke përfshirë edhe objektivat lidhur me kërkesat e sigurisë, por pa aplikimin e një vlere limit të tensionit, sipas rregullave të miratuara në Vendimin e Këshillit të Ministrave Nr.369, datë 27.3.2008 “Për miratimin e rregullimit teknik “Për kërkesat thelbësore dhe vlerësimin e konformitetit të pajisjeve elektrike, të projektuara për përdorimin brenda disa kufijve të tensionit””.

b) Kërkesat mbrojtëse lidhur me pajtueshmërinë elektromagnetike, sipas rregullave të miratuara me Vendimin e Këshillit të Ministrave Nr.864, datë 18.6.2008 “Për miratimin e rregullimit teknik “Për kërkesat thelbësore dhe vlerësimin e konformitetit të përputhshmërisë elektromagnetike””.

ii. Përveç kërkesave të përcaktuara në Piken i. më sipër, pajisjet radio duhen ndërtuar në mënyrë të tillë, që të përdorin efektivisht spektrin e përcaktuar për burimet e radiokomunikimi tokësore/hapësinore dhe orbitale, në mënyrë që të shmangen interferencat e dëmshme.

iii. Për aparatet brenda një klase të caktuar të pajisjeve ose aparatet e tipave të veçantë, mund të kërkohet përmbushja e kërkesave specifike të mëposhtme:

a) konstruktimin që të bashkëveprojnë me anë të rrjeteve me aparate të tjera dhe që të mund të lidhen në ndërfaqe të tipave të përshtatshëm në treg; dhe/ose

b) konstruktimin që të mos dëmtojë rrjetin, funksionimin e tij, ose të mos keqpërdorë burimet e rrjetit, që mund të shkaktojnë një degradim të papranueshëm të shërbimit; dhe/ose

c) të përfshijnë masa mbrojtëse, për të siguruar që të dhënat personale dhe fshehtësia e përdoruesit dhe e abonentit të jenë të mbrojtura; dhe/ose

d) të mbështetin cilësi të caktuara, duke siguruar shmangien e mashtrimit; dhe/ose

- e) të mbështetin cilësi të caktuara, duke siguruar akses në shërbimet e emergjencës; dhe/ose
- f) të mbështetin cilësi të caktuara në mënyrë që të thjeshtohet përdorimi i tyre nga përdoruesit me aftësi të kufizuara.

3. "Njoftim", është procesi i njoftimit të AKEP-it mbi qëllimin e subjekteve të ndryshme për të importuar ose vendosur në treg pajisje radio. Ky njoftim kryhet vetëm për pajisjet radio që punojnë në breza frekuence jo të harmonizuara, me anë të aplikimit që përket për njohjen e konformitetit.

4. "Njohje të konformitetit", është një procedurë që kryhet nga AKEP lidhur me njoftimin e derguar nga subjektet aplikante. Detyra e AKEP është të kontrollojë dokumentacionin e prezantuar dhe të konfirmojë njohjen e konformitetit të pajisjes radio, nëse janë plotësuar të gjitha kërkesat e përcaktuara në këtë Rregullorë.

5. "Futja në treg" është një aktivitet me anë të të cilit pajisja bëhet e pranishme për herë të parë në tregun Shqiptar, për t'u përhapur në treg ose për t'u futur në shërbim.

7. "Brez frekuence i harmonizuar", është brezi i frekuencave, i cili në të gjithë ose në pjesën më të madhe të vendeve europiane është i parashikuar për përdorimin e pajisjeve radio me veçori të njëjta teknike (radiofrekuenca, modulimi, fuqia etj.).

8. "Organizëm europian i notifikuar", është një organizëm i vlerësimit të konformitetit, i njohur nga Komisioni Europian dhe i regjistruar në faqen e tij zyrtare të internetit si një trupë kompetente për kryerjen e detyrave specifike të vlerësimit të konformitetit.

Neni 4 Vendosja në treg

1. Vendosja e pajisjeve radio dhe pajisjeve fundore të telekomunikacioneve në treg nënkupton vendosjen për herë të parë të këtyre pajisjeve në tregun Shqiptar, për shitje ose për përdorim të tyre, me pagesë ose jo.

2. Pajisjet radio dhe pajisjet fundore të telekomunikacioneve mund të vendosen në treg në qoftë se pajtohen me kërkesat themelore të identifikuara në Vendimin e Këshillit të Ministrave Nr.331 datë 14.04.2011 dhe me të gjitha kërkesat e tij.

3. Pajisjet që janë në pajtim me kërkesat themelore, mund të vendosen në treg nga një person juridik ose fizik, i regjistruar për një aktivitet të tillë.

4. Fabrikuesi ose personi që vendos pajisjen në treg është përgjegjës për të siguruar që pajisja është në pajtim me këtë Rregullorë.

5. Importuesi ose personi i cili sjell pajisjen nga jashtë Shqipërisë dhe e vendos atë në treg, mban të njëjtat përgjegjësi si fabrikuesi dhe duhet të sigurojë që produkti është në pajtim me këtë Rregullorë.

6. Personi përgjegjës për vendosjen në treg të pajisjeve është i detyruar t'i japë përdoruesit instruksionin e përdorimit në gjuhën Shqipe, si dhe një fotokopje të origjinalit të deklaratës së konformitetit me kërkesat themelore.

7. Kur pajisja radio vendoset në treg, informacioni rreth qëllimit të përdorimit duhet të jetë i mjaftueshëm për t'u identifikuar në paketim dhe në instruksionet e përdorimit të pajisjes, si dhe të njoftojë përdoruesin me anë të identifikuesit të klasës së pajisjes, për kufizimet potenciale të përdorimit të pajisjes radio në vende të caktuara.

8. Kur pajisja vendoset në treg duhet të ketë të fiksuar shënjën përkatëse të konformitetit.
9. Kur pajisja fundore e telekomunikacionit vendoset në treg, informacioni duhet të jetë i mjaftueshëm për të identifikuar ndërfaqet në rrjetin publik të telekomunikacioneve, tek të cilët pajisja mund të lidhet. Për të gjitha pajisjet ky informacion duhet të shfaqet në mënyrë të dukshme.
10. Fabrikuesi, përfaqësuesi i autorizuar, importuesi ose personi përgjegjës për vendosjen në treg të pajisjeve radio, duhet të njoftojnë AKEP-in për njohjen e konformitetit përpara importimit dhe vendosjes në treg për herë të parë të pajisjeve radio që punojnë në breza frekuencash jo të harmonizuara.

Neni 5

Procedura e njohjes së konformitetit

1. Autoriteti i Komunikimeve Elektronike dhe Postare (AKEP), është autoriteti përgjegjës për njohjen e konformitetit për pajisjet radio. Njoftimi dhe procedura e njohjes së konformitetit është e detyrueshme për pajisjet radio, që synohet të prodhohen, importohen, vendosen në treg, me përjashtim të pajisjeve radio që punojnë në frekuenca të harmonizuara.
2. Njoftimi për njohjen e konformitetit, duhet të kryhet nga çdo person fizik dhe juridik, nëse është publik ose privat, vendas ose i huaj. Subjekti aplikant është i detyruar të njoftojë AKEP-in, së paku katër javë përpara importimit dhe vendosjes së pajisjeve radio në tregun shqiptar.
3. Kjo procedure është gjithashtu e detyrueshme për subjektet përdoruese të pajisjeve radio që punojnë në frekuenca jo të harmonizuara, të cilat për herë të parë importohen direkt prej tyre nga jashtë Shqipërisë.
4. Pajisjet radio dhe fundore të telekomunikacioneve janë të identifikuar në dy klasa:
 - i. **Klasa 1** do t'i referohet pajisjeve, të cilat mund të vendosen në treg dhe të vendosen në shërbim pa kufizime. Për këtë klasë të pajisjeve, nuk është përcaktuar një identifikues i klasës së pajisjeve. Në këtë klasë janë të përfshira:
 - pajisjet fundore të telekomunikacioneve që përfshihen në rrjetet fikse;
 - pajisjet radio jotransmetuese (pajisjet vetëm marrëse);
 - pajisjet radio, të cilat transmetojnë vetëm nën kontrollin e një rrjeti;
 - radiotransmetuesit, që punojnë në breza të frekuencave të harmonizuara në Shqipëri dhe në vendet e Bashkimit Europian.
 - ii. **Klasa 2** do t'i referohet pajisjeve për të cilat janë aplikuar kufizime gjatë vendosjes në treg ose vendosjes në shërbim. Për këtë klasë të pajisjeve është përcaktuar një identifikues i klasës së pajisjeve. Pajisja e kësaj klase duhet të shënohet me një simbol lajmëruar (një rreth me një pikëçuditëse brenda saj). Pajisja radio, e cila nuk i përket Klasës 1, përfshihet në Klasën 2.
5. AKEP-i harton një listë të pajisjeve, të cilat mund të importohen dhe të vendosen në treg pa kryer njoftimin dhe procedurën e njohjes së konformitetit. Kjo listë rishikohet periodikisht duke përfshirë në të kryesisht pajisje të Klasës 1 sipas përcaktimeve në faqet e internetit të EC/ERO (European Commission/European Radiocommunications Office). Lista e pajisjeve do të jetë e prezantuar nëpërmjet faqes zyrtare të AKEP-it në internet www.akep.al. Njoftimi dhe procedura e njohjes së konformitetit është e detyrueshme për të gjitha pajisjet radio, që prodhohen, importohen, vendosen në treg dhe përdoren, me përjashtim të atyre rasteve kur AKEP-i nuk duhet të njoftohet.
6. Njoftimi është aksioni fillestar për ta bërë një pajisje radio të disponueshme për herë të parë në tregun Shqiptar.

7. Formulari i njoftimit duhet të jetë sipas Aneksit 3 (ne gjuhen Shqipe ose Angleze), bashkëlidhur me kete Rregullore, të cilat mund të sigurohen në internet në faqen zyrtare të AKEP-it www.akep.al.

8. Formulari i njoftimit duhet të përmbajë informacion për karakteristikat radio të pajisjes, në veçanti për brezat e frekuencave, hapësirën e kanalit, llojin e modulimit dhe fuqinë RF në dalje, si dhe numrin e identifikimit të organizmit europian të notifikuar, i cili është përfshirë në vlerësimin e konformitetit të pajisjes. AKEP nuk i ben publike informacionet e fituara gjate procesit te njoftimit.

9. Njoftimi per njohjen e konformitetit mund te nenshkruhet vetem nga personat e autorizuar per te marre pergjegjesi ne emer te subjektit.

10. Formulari i njoftimit konsiderohet të jetë i plotësuar, kur të gjitha kërkesat lidhur me

formën dhe përmbajtjen e tij janë plotësuar. Ky konsiderohet si momenti i fillimit të procesit të njohjes së konformitetit.

11. Njoftimi i dërguar nga aplikanti dhe dokumenti i lëshuar për njohjen e konformitetit:

- nuk do të thotë aprovim i përdorimit të pajisjeve radio në territorin e Republikës së Shqipërisë;
- nuk garanton lëshimin e një autorizimi për përdoruesin dhe për vendosjen në operim të pajisjes radio;
- nuk e lehtëson aplikantin nga detyrimet e tij sipas kesaj Rregulloreje.

12. Dokumentacioni bashkëngjitur me formularin e njoftimit duhet të jetë, si më poshtë:

- përshkrimi teknik dhe specifikimet teknike, sipas dokumentacionit të fabrikuesit, ose raportet e testimit;
- deklarata e konformitetit e lëshuar nga fabrikuesi, dhe/ose opinionin e organizmit europian te notifikuar, nëse ai është parashikuar nga procedurat e vlerësimit të konformitetit.

13. Në procesin e njohjes së konformitetit duhet të merret gjithashtu në konsideratë Plani Kombëtar i Radiofrekuencave, duke refuzuar njohjen e konformitetit për pajisjet radio që përdorin breza radiofrekuence, të cilët në këtë plan janë përcaktuar për qëllime të tjera.

14. Në bazë të njoftimit të marrë dhe dokumentacionit bashkëngjitur tij, AKEP-i pasi shqyrton nëse plotësohen konditat për importimin dhe/ose vendosjen në treg të pajisjes radio, sipas kësaj Rregulloreje, konfirmon njohjen e konformitetit.

15. Në rastin e mospërputhjes me kushtet e paraqitura në këtë Rregullore, AKEP-i informon subjektin aplikant, që pajisja perkatese radio nuk mund të përdoret në Republikën e Shqipërisë. Çdo refuzim për njohjen e konformitetit te pajisjes radio duhet të jetë i motivuar.

16. AKEP-i mund të refuzojë aplikimin për njohje të konformitetit, nëse është e ndaluar vendosja e një pajisje të caktuar radio në tregun e Bashkimit European.

17. Pajisja radio e parashikuar për te kryer procesin e njohjes së konformitetit, mund të importohet dhe vendoset në treg vetëm pas lëshimit të dokumentit përkatës qe konfirmon njohjen e konformitetit.

18. Vlefshmëria e njohjes së konformitetit është e kufizuar vetëm për tipin e pajisjes radio të njoftuar.

19. Njohja e konformitetit nuk përfaqson një certifikatë vlerësimi të konformitetit të pajisjes radio me kërkesat thelbësore.

- 20.** Njohja e konformitetit të pajisjeve radio mund të revokohet kur provohet shkelja e kërkesave thelbësore të specifikuara në deklaratën e konformitetit, të lëshuar nga fabrikuesi, ose kur është vërtetuar përdorimi i tij jo në pajtim me Planin Kombëtar të Radiofrekuencave dhe me specifikimet teknike të njoftuara nga subjekti aplikant.
- 21.** AKEP publikon dhe përditëson në faqen zyrtare www.akep.al listen e pajisjeve radio, për të cilat është lëshuar konfirmimi i njohjes se konformitetit.
- 22.** Përgjegjësia për sigurinë, funksionimin, cilësinë dhe besueshmërinë e pajisjeve radio sipas kërkesave thelbësore, për të cilat është lëshuar njohja e konformitetit, bie plotësisht mbi subjektet që e kanë marrë dokumentin e njohjes së konformitetit.
- 23.** Konfirmimi i njohjes së konformitetit nga AKEP për pajisjet radio bëhet në gjuhën Shqipe ose Angleze, sipas modelit të paraqitur në Aneksin 4 të kesaj Rregulloreje.
- 24.** Procesi i njohjes së konformitetit është i vlefshëm për të gjitha pajisjet radio të aplikantit fillestar të njoftimit, me kusht që të jenë identike me atë që është njoftuar.
- 25.** Njohja e konformitetit, e cila i lëshohet për herë të parë një subjekti aplikant, është e vlefshme edhe për çdo subjekt tjetër, i cili ka në zotërim pajisje radio të të njëjtit tip. Procesi i njoftimit është i vlefshëm për të gjitha pajisjet radio identike të të njëjtit tip, pavarësisht autorit të njoftimit.
- 26.** Kur lëshohet konfirmimi i njohjes se konformitetit, AKEP pregatit faturen e adresuar tek aplikanti i njoftimit.
- 27.** Nuk egziston nje afat limit vlefshmerie per dokumentin e lëshuar te njohjes se konformitetit.
- 28.** Për pajisjet e radiokomunikimit me përdorim dhe qëndrim të përkohshëm në Republikën e Shqipërisë, jo më shumë se tre muaj, AKEP-i në rastet e justifikuara mund të bëjë njohjen e konformitetit me procedurë të përshpejtuar.
- 29.** Në përfundim të procedurës së njohjes se konformitetit, AKEP-i regjistron në bazën e të dhënave, tipin e pajisjes radio, parametrat përkatës dhe subjektin, i cili ka dërguar njoftimin.
- 30.** Informacionet e fituara gjate procesit te njohjes se konformitetit do te jene te disponueshme per aktivitetet e AKEP-it ne procesin e inspektimit, monitorimin e spektrit, investigimin e interferencave dhe ne mbikqyrjen e tregut.

Neni 6

Vendosja ne sherbim

- 1.** Pajisjet qe mbulohen nga kjo Rregullore vendosen në shërbim sipas qëllimit të parashikuar nga fabrikuesi vetëm kur ato plotësojnë kërkesat thelbësore dhe dispozitat e tjera përkatëse ne kete Rregullore.
- 2.** Operatorët janë të detyruar të lidhin në rrjet vetëm pajisje radio, të cilat kanë kaluar procesin e njohjes së konformitetit.
- 3.** Përdoruesi i pajisjeve është përgjegjës për përdorimin korrekt të tyre, sipas rregullave te percaktuara ne kete Rregullore.

4. Subjektet që punojnë në fushën e komunikimeve elektronike nuk mund të refuzojnë një kërkesë të arsyeshme për lidhjen e një pajisjeje fundore të telekomunikacioneve me ndërfaqet e përshtatshme mbi baza teknike, të cilat përputhen me kërkesat thelbësore.

5. AKEP-i mund të kufizojë vënien në shërbim të pajisjeve radio vetëm për shkaqe apo arsye në lidhje me përdorimin efektiv dhe të përshtatshëm të spektrit të radiofrekuencave, shmangien e interferencave të dëmshme ose në lidhje me çështje të shëndetit publik.

6. Në qoftë se AKEP konkludon që një pajisje e deklaruar në përputhje me kërkesat e Rregullores, shkakton dëmtime serioze të rrjetit të komunikimeve elektronike, interferenca të dëmshme ose interferenca në funksionimin e këtij rrjeti, autorizon operatorin të refuzojë lidhjen e pajisjes në rrjetin e tij, ta heqë nga lidhja ate, ose ta heqë nga përdorimi.

7. Në rast emergjence, një operator mund të heqë nga lidhja pajisjen, në qoftë se mbrojtja e rrjetit kërkon që pajisja të hiqet nga lidhja pa vonesë dhe, në qoftë se përdoruesit mund t'i ofrohet pa vonesë dhe pa kosto një zgjidhje tjetër alternative. Në këtë rast, operatori duhet të informojë menjëherë AKEP-in.

8. Vlerat limit të fushës elektromagnetike, vlerat limit të fuqisë së rrezatuar, si dhe kushte të tjera, të cilat duhet të plotësohen nga pajisjet, si një burim i rrezatimit elektromagnetik të radiofrekuencave, duhet të jenë sipas vlerave të parashikuara në rregulloret e pajisjeve radio dhe pajisjeve fundore të telekomunikacioneve.

9. Përdoruesit e pajisjeve duhet t'u mundësojnë personave të autorizuar nga AKEP-i të kryejnë inspektime, matje dhe teste të nevojshme, me qëllim detektimin e burimeve të interferencës, të ofrojnë të dhëna dhe dokumentacionin e nevojshëm për kryerjen e inspektimeve, matjeve dhe testeve.

10. Në qoftë se nga inspektimi evidentohet, që pajisja shkakton interferencë mbi nivelin e lejuar, personat e autorizuar mund të kërkojnë nga përdoruesi i kësaj pajisjeje të eliminojë brenda një kohe të caktuar interferencën e evidentuar dhe të informojë AKEP-in për këtë.

11. Në qoftë se përdoruesi i pajisjeve, të cilat shkaktojnë interferencë, nuk eliminon interferencat e evidentuara në një kohë të përcaktuar, atëherë merren masat e parashikuara në Ligjin Nr.9918, datë 19.5.2008.

Neni 7

Vlerësimi i konformitetit

1. Fabrikuesi është përgjegjës për vlerësimin e konformitetit të produktit të tij me kërkesat thelbësore, të përcaktuara në Nenin 3 në këtë Rregullore.

2. Procedurat e vlerësimit të konformitetit sipas anekseve 2, 3, 4 dhe 5, të identifikuar në Direktiven R&TTE dhe në Vendimin e Këshillit të Ministrave Nr.331, datë 14.04.2011 "Për miratimin e Rregullit Teknik "Për kërkesat thelbësore dhe vlerësimin e konformitetit të pajisjeve radio dhe fundore të telekomunikacioneve"", duhet të përdoren për të demonstruar përputhjen e pajisjeve me kërkesat thelbësore.

3. Fabrikuesi i pajisjeve mund të zgjedhë një nga procedurat e vlerësimit të konformitetit, të përcaktuara në Tab.1 sipas anekseve të përcaktuara Piken 2 të këtij Neni.

4. Në fund të procedurës së vlerësimit të konformitetit, fabrikuesi harton një deklaratë të shkruar të konformitetit të pajisjes sipas kërkesave thelbësore.

Tipi i pajisjes	Procedura e vleresimit teknik			
	Aneksi II	Aneksi III	Aneksi IV	Aneksi V
Pajisja fundore e telekomunikacioneve	X		X	X
Pjeset marrese te pajisjeve radio	X		X	X
Pajisja radio me aplikim te plote te standardeve te harmonizuara		X	X	X
Pajisja radio me aplikim te pjesshem ose jo te standardeve te harmonizuara			X	X

Tab. 1

Neni 8

Vendosja e markimit CE të pajisjeve

1. Pajisjet që janë në përputhje me kërkesat thelbësore mbajnë markimin CE. Markimi CE është një deklaram i fabrikuesit, që produkti është në përputhje me të gjitha kërkesat thelbësore dhe që procedurat perkatese të vlerësimit të konformitetit janë kryer.
2. Markimi CE dhe shenjat e tjera shtesë, duhet të jenë të paraqitura sipas rekomandimeve ne këte Regullore. Përgjegjës për fiksimin e markimit CE është fabrikuesi ose përfaqësuesi i tij i autorizuar ose personi përgjegjës për vendosjen e pajisjes në treg.
3. Markimi CE duhet të shfaqet tek pajisja, në paketim dhe në manualin e përdorimit. Markimi CE duhet të fiksohet në mënyrë të dukshme, të lexueshme dhe të mos fshihet.
4. Në qoftë se fabrikuesi është konsultuar me një organ të autorizuar për vlerësimin e konformitetit, numri i identifikimit të organit të autorizuar (NBnr) duhet të shtohet tek markimi CE. Numri i identifikimit të organit të autorizuar përbëhet nga një sekuencë prej katër numrash. Organet e akredituara sipas Direktives R&TTE dhe numri i tyre i identifikimit jane te paraqitura ne website-in e Komisionit Europian.
5. Në qoftë se ka kufizime në përdorimin e pajisjes radio, kjo duhet treguar me anë të një simboli lajmërues së bashku me markimin CE dhe numrin e identifikimit të organit të autorizuar, si në Fig. 1.



Markimi CE

Numri i identifikimit
te organit te autorizuar
(NBnr)

Simboli
Lajmerues

Fig. 1

6. Pajisja duhet të identifikohet nga fabrikuesi me anë të tipit, grupit dhe/ose numrit serial, si dhe me anë të emrit të fabrikuesit ose të personit që është përgjegjës për vendosjen e aparatit në treg.

7. Pajisjet që përputhen me kërkesat thelbësore duhet të mbajnë shenjën e markimit CE, siç përcaktohet në Aneksin 2 ne kete Rregullore.

8. Pajisjet radio që punojnë në breza të frekuencave, përdorimi i të cilave nuk është i harmonizuar, përveç markimit CE, i vendoset edhe një shenjë lajmëruese, siç përcaktohet në Aneksin 2.

Neni 9 **Mbikqyrja e tregut**

1. AKEP-i është autoriteti përgjegjës për mbikqyrjen e tregut për pajisjet radio dhe fundore të telekomunikacionit.

2. Aktiviteti i mbikqyrjes se tregut kryhet ne perputhje me Ligjin Nr. 9779.

3. Objektivat e mbikqyrjes së tregut përfshijne:

i. të sigurojë që pajisjet radio dhe fundore të telekomunikacionit në treg përputhen me kërkesat thelbësore ne kete Rregullore;

ii. të kontrollojë nëse janë plotësuar kushtet e përcaktuara në këtë Rregullore;

iii. të kontrollojë që fiksimi dhe përdorimi i markimit CE është korrekt dhe, nëse principet lidhur me shenjat e tjera shtesë janë respektuar.

4. Deklaratat e konformitetit duhet të jenë të disponueshme sa herë që ato të kërkohen nga autoritetet e inspektimit. Për më tepër, çdo produkt duhet të jetë i shoqëruar deri te përdoruesi me deklaratën e konformitetit.

5. Në rast se pajisjet e vendosura në treg paraqiten jo në konformitet, me kushtet e përcaktuara në këtë Rregullore, atëherë AKEP-i merr masa në përputhje me legjislacionin në fuqi.

6. Pronari i pajisjeve radio ose pajisjeve fundore të telekomunikacioneve nuk ka të drejtë të pengojë inspektimin dhe është i detyruar të bashkëpunojë dhe të ofrojë të gjithë informacionin e nevojshëm sa herë që kërkohet një gjë e tillë.

7. Nëse gjatë mbikqyrjes nevojitet ekspertizë e veçantë, atëherë mund të merren edhe ekspertë të tjerë në fusha të caktuara.

8. AKEP-i ka autoritetin të ndalojë, të kufizojë ose të heqë nga përdorimi pajisjet radio dhe pajisjet fundore të telekomunikacionit, që shkaktojnë ose ka mundësi të shkaktojnë interferenca të dëmshme.

9. Inspektorët e AKEP-it pajisen me dokument të posaçëm të identifikimit. Për të verifikuar zbatimin e kësaj Rregulloreje, ata kryejnë inspektim në mjediset ku subjekti zhvillon veprimtarinë. Ky inspektim mund të kryhet gjithashtu, pa e njoftuar paraprakisht subjektin përkatës.

Neni 10 **Pagesat**

1. Pagesa për subjektet fabrikuese dhe tregtuese të pajisjeve radio dhe pajisjeve fundore të telekomunikacioneve, të cilat fitojnë njohjen e konformitetit, përcaktohet me vendim

të Këshillit të Ministrave me propozim të ministrit përgjegjës për komunikimet elektronike.

2. Pagesa për subjektet jotregtuese ose subjektet përdoruese të pajisjeve radio ose pajisje fundore të telekomunikacioneve, të cilat fitojnë njohjen e konformitetit, përcaktohet me vendim të Këshillit të Ministrave me propozim të ministrit përgjegjës për komunikimet elektronike.

Neni 11. **Dispozita kalimtare**

1. Për pajisjet radio dhe fundore të telekomunikacioneve, të cilat kanë kaluar në procedurën e miratimit të tipit bazuar në ligjin nr.8618, datë 14.6.2000 “Për telekomunikacionet në Republikën e Shqipërisë” i shfuqizuar, dhe rregulloren e ERT “Për pajisjet radio dhe fundore të telekomunikacioneve”, nuk është e nevojshme që subjektet e interesuara të njoftojnë në AKEP, kur pajisjet radio nuk kanë ndryshime në specifikimet teknike, apo nuk ka ndryshime në Planin Kombëtar të Radiofrekuencave, si dhe në përcaktimet e radorregulloreve të ITU-së dhe dokumentet përkatëse të CEPT/ERO.

2. AKEP-i publikon listën e pajisjeve të parashikuara në Pikën 5 të Nenit 5, për të cilat nuk duhet të kryhet procedura e njohjes së konformitetit. Kjo liste rishikohet periodikisht.

Neni 12. **Hyrja në fuqi**

Rregullorja e miratuar nga Këshilli Drejtues do të hyjë në fuqi xxxx ditë pas publikimit të saj në faqen e internetit të AKEP .




PAJISJET QË NUK MBULOHEN NGA KY RREGULL

- 1.** Pajisja radio që përdoret nga radioamatorët (sipas përcaktimit në pikën 53 të nenit 1 të radorregulloreve të ITU-së), përveç se kur pajisja është e mundshme për t'u tregtuar. Pjesët përbërëse të komponentëve të montuara nga radioamatorët dhe pajisje të tregtueshme, të modifikuara dhe të përdorura prej radioamatorëve, që nuk konsiderohen si pajisje të mundshme për t'u tregtuar.
- 2.** Pajisjet e marinës.
- 3.** Instalimet kabllore dhe me tel.
- 4.** Pajisja radiomarrëse që ka për qëllim përdorimin vetëm për shërbimet e marrjes së transmetimeve audio dhe TV.
- 5.** Pajisje të caktuara që përdoren në aviacionin civil.
- 6.** Pajisje të caktuara për menaxhimin e trafikut ajror.

Shenim: Kjo liste i referohet Direktives RTTE.

**SHENIMI I PAJISJEVE RADIO
DHE PAJISJEVE FUNDORE TE TELEKOMUNIKACIONEVE
SIPAS PROCEDURAVE TE VLERESIMIT TE KONFORMITETIT**

Pajisjet fundore te telekomunikacioneve (jo radio)	
Procedura e konformitetit	Shenimi
Aneksi II (Kontrolli i brendshem i prodhimit)	CE
Aneksi IV (File i ndertimit teknik) ose Aneksi V (Siguria e plote e cilesise)	CE NBnr

Pajisjet radio		
Procedura e konformitetit	Brezi i frekuencave	
	i harmonizuar	jo i harmonizuar
Aneksi III Kontrolli i brendshem i prodhimit dhe testet specifike te pajisjes (perdorimi i standardeve te harmonizuara)	CE CE NBnr	CE  CE NBnr 
Aneksi IV File i ndertimit teknik ose Aneksi V Siguria e plote e cilesise	CE NBnr	CE NBnr 

Shenim: Emertimet Aneksi I, II, III, IV dhe V i referohen VKM Nr.331, datë 14.4.2011 “Për kërkesat thelbësore dhe vlerësimin e konformitetit të pajisjeve radio dhe fundore te telekomunikacioneve”.

REPUBLIC OF ALBANIA
ELECTRONIC AND POSTAL COMMUNICATIONS AUTHORITY

Rruga "Reshit Çollaku" 43, Tirana, Albania

Fax +355 42 259 106

Web site www.akep.al

E-mail info@akep.al

NOTIFICATION FORM OF RADIO EQUIPMENT

ON IMPORTING AND/OR PLACING THE RADIO EQUIPMENT ON THE MARKET

The radio equipment must be in compliance with the essential requirements of Council Ministers Act No.331 date 14.4.2011 "On the essential requirements and conformity assessment of radio and telecommunications terminal equipment". AKEP has the responsibility to confirm the recognition of conformity. This process should be initiated before the importing, placing on the market or putting the radio equipment into service.

The Company _____ presented by Mr/Mrs _____
that carrying out activities in the field of :

manufacturing importing placing on the market putting into service

of radio equipment, notifies AKEP to obtain the conformity recognition for the equipment with the following data:

1. The responsible company for obtaining the conformity recognition on radio equipment.

The responsible company, means the manufacturer, his authorized representative and any other person who imports and/or places the radio equipment on the market.

Company/Name :	
Contact Person :	
Address :	
Telephone :	
Fax :	
E-mail :	

2. The manufacturer of equipment

Company/Name :	
Address :	

Telephone :	
Fax :	
E-mail :	

3. Information on the notified radio equipment

Equipment category	
Type of equipment	
Trade name	

4. Intended use / purpose of equipment

This should be a brief description of the intended use or purpose of the equipment, as defined by the manufacturer.

--

5. The main technical specifications of equipment

	Information	Response
	Frequency bands	
	Operating frequency/frequencies	
	Type of modulation	
	Number of channels	
	Channel spacing	
	Class of emission	
	Max output power or radiated power	
	Duty cycle	
	Channel access protocol	
	Mode of operation (simplex/duplex)	
	Maximal data rate	
	Type of antenna	
	Power supply	
	Additional information	

6. Information on conformity assessment with essential requirements

	Information	Response
	Conformity assessment procedure applied (according to Council Ministers Act “On the essential requirements and conformity assessment of radio and telecommunications terminal equipment”)	<input type="checkbox"/> Annex II <input type="checkbox"/> Annex IV <input type="checkbox"/> Annex III <input type="checkbox"/> Annex V
	Harmonized standards	

	Notified body identification number: (Number or numbers of notified bodies involved in the conformity assessment procedure)	
--	---	--

Shenim: Emertimet Aneksi I, II, III, IV dhe V i referohen VKM Nr.331, datë 14.4.2011 “Për kërkesat thelbësore dhe vlerësimin e konformitetit të pajisjeve radio dhe fundore te telekomunikacioneve”.

7. The declarations of conformity attached with the application form

The manufacturer and/or notified body have full responsibility to ensure that the equipment is in the conformity with the requirements of Council Ministers Act No.331 date 14.4.2011 “On the essential requirements and conformity assessment of radio and telecommunications terminal equipment”.

The Declaration of Conformity by the manufacturer

The Opinion on Conformity by the notified body

<p>Declaration</p> <p><i>We are aware that this notification doesn't ensure the ability to put into service the notified equipment in the Republic of Albania. The use of this equipment may be restricted according to other provisions.</i></p> <p><i>No legal claim to a frequency assignment can be derived from this notification.</i></p> <p><i>I hereby declare that I am entitled to sign this notification and that the information supplied is correct and complete.</i></p>

Place and date of notification: _____

Name, Family Name: _____

Signature and stamp of responsible company or authorized company: _____

<p><i>In case the notification is submitted by an authorized company, it is necessary an authorization submitted by him.</i></p>
--

8. Additional information on using of notified radio equipment

	Country	Current using	Planned using	Remarks
	Austria	<input type="checkbox"/>	<input type="checkbox"/>	
	Belgium	<input type="checkbox"/>	<input type="checkbox"/>	
	Bulgaria	<input type="checkbox"/>	<input type="checkbox"/>	
	Cyprus	<input type="checkbox"/>	<input type="checkbox"/>	
	Czech Republic	<input type="checkbox"/>	<input type="checkbox"/>	
	Denmark	<input type="checkbox"/>	<input type="checkbox"/>	
	Estonia	<input type="checkbox"/>	<input type="checkbox"/>	
	Finland	<input type="checkbox"/>	<input type="checkbox"/>	
	France	<input type="checkbox"/>	<input type="checkbox"/>	
	Germany	<input type="checkbox"/>	<input type="checkbox"/>	
	Greece	<input type="checkbox"/>	<input type="checkbox"/>	
	Hungary	<input type="checkbox"/>	<input type="checkbox"/>	
	Iceland	<input type="checkbox"/>	<input type="checkbox"/>	
	Ireland	<input type="checkbox"/>	<input type="checkbox"/>	
	Italy	<input type="checkbox"/>	<input type="checkbox"/>	
	Latvia	<input type="checkbox"/>	<input type="checkbox"/>	
	Lithuania	<input type="checkbox"/>	<input type="checkbox"/>	
	Luxembourg	<input type="checkbox"/>	<input type="checkbox"/>	
	Malta	<input type="checkbox"/>	<input type="checkbox"/>	
	The Netherlands	<input type="checkbox"/>	<input type="checkbox"/>	
	Norway	<input type="checkbox"/>	<input type="checkbox"/>	
	Poland	<input type="checkbox"/>	<input type="checkbox"/>	
	Portugal	<input type="checkbox"/>	<input type="checkbox"/>	
	Romania	<input type="checkbox"/>	<input type="checkbox"/>	
	Slovakia	<input type="checkbox"/>	<input type="checkbox"/>	
	Slovenia	<input type="checkbox"/>	<input type="checkbox"/>	
	Spain	<input type="checkbox"/>	<input type="checkbox"/>	
	Sweden	<input type="checkbox"/>	<input type="checkbox"/>	
	Switzerland	<input type="checkbox"/>	<input type="checkbox"/>	
	United Kingdom	<input type="checkbox"/>	<input type="checkbox"/>	

Here should be specified countries where radio equipment was used or where is planned using in the future.

Attached with notification should be:

- 1. Technical description and technical specifications according the manufacturer documentation, or test reports;**
- 2. Declaration of Conformity issued by manufacturer according to Council Ministers Act “On the essential requirements and conformity assessment of radio and telecommunications terminal equipment” and/or opinion of notified body, if it is foreseen to involve in the conformity assessment procedures.**

REPUBLIKA E SHQIPERISE
AUTORITETI I KOMUNIKIMEVE ELEKTRONIKE DHE POSTARE

Rruga "Reshit Çollaku" nr.43, Tiranë, Shqipëri

Fax +355 42 259 106

Web site www.akep.al

E-mail info@akep.al

FORMULAR PER NJOFTIMIN E PAJISJEVE RADIO

MBI IMPORTIMIN DHE/OSE VENDOSJEN NE TREG TE PAJISJEVE RADIO

Pajisja radio duhet të jetë në pajtim me kërkesat thelbësore të vendimit të Këshillit të Ministrave nr.331, datë 14.4.2011 "Për kërkesat thelbësore dhe vlerësimin e konformitetit të pajisjeve radio dhe fundore të telekomunikacioneve". AKEP-i ka përgjegjësinë për të konfirmuar njohjen e konformitetit. Ky proces duhet të fillojë përpara importimit, vendosjes në treg ose futjes në shërbim të pajisjes radio.

Subjekti _____, përfaqësuar nga Z/Znj _____
që zhvillon aktivitet në fushen e :

prodhimit importimit vendosjes në treg futjes në përdorim

të pajisjeve radio, njofton AKEP për të fituar njohjen e konformitetit për pajisjen me të dhënat e mëposhtme:

1. Subjekti përgjegjës për të fituar njohjen e konformitetit të pajisjes radio

Subjekt përgjegjës do të quajmë fabrikuesin, përfaqësuesin e tij të autorizuar dhe çdo person tjetër i cili importon dhe/ose vendos në treg pajisje radio.

Subjekti/Emri :	
Personi i kontaktit :	
Adresa :	
Telefon :	
Fax :	
E-mail :	

2. Fabrikuesi i pajisjes

Kompania/Emri :	
Adresa:	

Telefon :	
Fax :	
E-mail :	

3. Informacion mbi pajisjen radio te njoftuar

Kategoria e pajisjes	
Tipi i pajisjes	
Marka e regjistruar	

4. Qëllimi i përdorimit te pajisjes

Ketu duhet të jetë një përshkrim i shkurtër i qëllimit të përdorimit të pajisjes, sic është përcaktuar nga fabrikuesi.

--

5. Specifikimet teknike kryesore të pajisjes

	Informacion	Përgjigje
	Brezi i frekuencave	
	Frekuenca e punës/frekuencat	
	Lloji i modulimit	
	Numri i kanaleve	
	Hapësira e kanalit	
	Klasa e emisionit	
	Fuqia max në dalje ose fuqia e rrezatuar	
	Duty cycle	
	Channel access protocol	
	Mënyra e operimit (simplex/duplex)	
	Maximal data rate	
	Tipi i antenës	
	Tensioni i ushqimit	
	Informacion shtesë	

6. Informacion mbi vlerësimin e konformitetit me kërkesat thelbësore

	Informacion	Përgjigje
	<p>Procedura e aplikuar e vlerësimit te konformitetit (sipas vendimit te Keshillit të Ministrave ”Për kërkesat thelbësore dhe vlerësimin e konformitetit të pajisjeve radio dhe fundore te telekomunikacioneve)</p>	<input type="checkbox"/> Aneksi II <input type="checkbox"/> Aneksi IV <input type="checkbox"/> Aneksi III <input type="checkbox"/> Aneksi V
	Standardet e harmonizuara	

	Numri i identifikimit te organit te autorizuar: (Numri ose numrat e organeve te autorizuar qe jane te përfshira në procedurën e vlerësimit te konformitetit)	
--	--	--

Shenim: Emertimet Aneksi I, II, III, IV dhe V i referohen VKM Nr.331, datë 14.4.2011 “Për kërkesat thelbësore dhe vlerësimin e konformitetit të pajisjeve radio dhe fundore te telekomunikacioneve”.

7. Deklaratat e konformitetit që janë bashkëngjitur me njoftimin

Fabrikuesi dhe/ose organi i autorizuar kanë përgjegjësinë e plotë për të siguruar që pajisja është në konformitet me kërkesat e vendimit te Këshillit të Ministrave nr.331, datë 14.4.2011 “Për kërkesat thelbësore dhe vlerësimin ee konformitetit të pajisjeve radio dhe fundore te telekomunikacioneve”.

Deklarata e fabrikuesit për konformitetin

Opinioni i organit të autorizuar për konformitetin

Deklarim

Jemi të vetëdijshëm që ky njoftim nuk na siguron mundësinë e futjes në shërbim në Republikën e Shqipërisë të pajisjes së njoftuar. Përdorimi i kësaj pajisje mund të jetë i kufizuar sipas dispozitave të tjera.

Asnjë pretendim zyrtar për caktimin e një frekuence nuk mund të vijë si rrjedhim i këtij njoftimi. Nëpërmjet kësaj deklarate ju vemë në dijeni që unë jam caktuar të nënshkruaj këtë njoftim dhe që informacioni i paraqitur këtu është korrekt dhe i plotë.

Vëndi dhe data e njoftimit:

Emri dhe mbiemri:

Nënshkrimi dhe vula e subjektit përgjegjës ose e subjektit te autorizuar:

Në rast se njoftimi paraqitet nga një subjekt i autorizuar, atëhere është e nevojshme të paraqitet një autorizim nga ana e tij.

8. Informacioni shtesë mbi përdorimin e pajisjes radio të njoftuar

	Vëndi	Përdorimi aktual	Përdorimi i planifikuar	Vërejtje
	Austria	<input type="checkbox"/>	<input type="checkbox"/>	
	Belgjika	<input type="checkbox"/>	<input type="checkbox"/>	
	Bullgaria	<input type="checkbox"/>	<input type="checkbox"/>	
	Qipro	<input type="checkbox"/>	<input type="checkbox"/>	
	Republika Ceke	<input type="checkbox"/>	<input type="checkbox"/>	
	Danimarka	<input type="checkbox"/>	<input type="checkbox"/>	
	Estonia	<input type="checkbox"/>	<input type="checkbox"/>	
	Finlanda	<input type="checkbox"/>	<input type="checkbox"/>	
	Franca	<input type="checkbox"/>	<input type="checkbox"/>	
	Gjermania	<input type="checkbox"/>	<input type="checkbox"/>	
	Greqia	<input type="checkbox"/>	<input type="checkbox"/>	
	Hungaria	<input type="checkbox"/>	<input type="checkbox"/>	
	Islanda	<input type="checkbox"/>	<input type="checkbox"/>	
	Irlanda	<input type="checkbox"/>	<input type="checkbox"/>	
	Italia	<input type="checkbox"/>	<input type="checkbox"/>	
	Letonia	<input type="checkbox"/>	<input type="checkbox"/>	
	Lituania	<input type="checkbox"/>	<input type="checkbox"/>	
	Luksemburgu	<input type="checkbox"/>	<input type="checkbox"/>	
	Malta	<input type="checkbox"/>	<input type="checkbox"/>	
	Hollanda	<input type="checkbox"/>	<input type="checkbox"/>	
	Norvegjia	<input type="checkbox"/>	<input type="checkbox"/>	
	Polonia	<input type="checkbox"/>	<input type="checkbox"/>	
	Portugalia	<input type="checkbox"/>	<input type="checkbox"/>	
	Rumania	<input type="checkbox"/>	<input type="checkbox"/>	
	Sillovakia	<input type="checkbox"/>	<input type="checkbox"/>	
	Sillovenia	<input type="checkbox"/>	<input type="checkbox"/>	
	Spanja	<input type="checkbox"/>	<input type="checkbox"/>	
	Suedia	<input type="checkbox"/>	<input type="checkbox"/>	
	Zvicra	<input type="checkbox"/>	<input type="checkbox"/>	
	Mbretëria e Bashkuar	<input type="checkbox"/>	<input type="checkbox"/>	

Këtu duhet të jenë të specifikuara vëndet ku pajisja radio është përdorur ose është planifikuar për t'u përdorur në të ardhmen.

Bashkëngjitur me njoftimin duhet të jenë:

1. Përshkrimi teknik dhe specifikimet teknike sipas dokumentacionit të fabrikuesit, ose raportet e testimit;
2. Deklarata e Konformitetit lëshuar nga fabrikuesi sipas vendimit të Keshillit të Ministrave "Për kërkesat thelbësore dhe vlerësimin e konformitetit të pajisjeve radio dhe fundore të telekomunikacioneve" dhe/ose opinionit të organit të autorizuar, nëse ky është parashikuar të përfshihet në procedurën e vlerësimit të konformitetit.



ANNEX 4

**REPUBLIC OF ALBANIA
ELECTRONIC AND POSTAL COMMUNICATIONS AUTHORITY**

**CONFIRMATION OF CONFORMITY RECOGNITION
FOR RADIO EQUIPMENT**

Nr. **dt.**

With respect to Council Ministers Act No.331 dated 14.4.2011 “On the approval of Technical Rule “On essential requirements and conformity assessment of radio and telecommunications terminal equipment””, and based on the notification dated _____ presented by the company _____ (Address: _____), is required the conformity recognition for the following equipment :

- **Equipment category :**
- **Type of equipment :**
- **Manufacturer :**
- **Trade mark :**
- **Function offered** (short description) :
- **Main technical specifications :**
-
- **Manufacturer’s statement and/or notified body opinion for conformity with essential requirements :**

*Electronic and Postal Communications Authority (AKEP)
confirm the recognition of conformity and gives to the company*

*the right to import and/or place the above type of radio equipment
on the market in Republic of Albania.*

The CE marking and other additional markings must be presented in radio equipment according to this technical rule.

CHAIRMAN

.....
(Emri, Mbiemri)

.....
(Firma dhe Vula)



ANEKSI 4

REPUBLIKA E SHQIPERISE
AUTORITETI I KOMUNIKIMEVE ELEKTRONIKE DHE POSTARE

KONFIRMIM PER NJOHJEN E KONFORMITETIT
PER PAJISJEN RADIO

Nr. _____ **dt.** _____

Mbeshtetur ne vendimin e Keshillit te Ministrave nr.331 date 14.4.2011 "Per miratimin e rregullit teknik "Per kerkesat thelbesore dhe vleresimin e konformitetit te pajisjeve radio dhe fundore te telekomunikacioneve"" dhe bazuar ne njoftimin e dates _____ prezantuar nga subjekti _____ (Adresa: _____), eshte kerkuar njohja e konformitetit te pajisjes radio te meposhtme:

- **Kategoria e pajisjes :** _____
- **Tipi i pajisjes :** _____
- **Fabrikuesi :** _____
- **Marka e rregjistruar :** _____
- **Funksioni i ofruar** (pershkrim i shkurter) : _____
- **Karakteristikat kryesore teknike:**

- **Deklarata e fabrikuesit dhe/ose opinioni i organit te akredituar per konformitet me kerkesat thelbesore :**

*Autoriteti i Komunikimeve Elektronike dhe Postare (AKEP)
konfirmon njohjen e konformitetit dhe i jep subjektit*

*te drejten per te importuar dhe/ose vendosur tipin e mesiperem te pajisjes radio
ne tregun e Republikes se Shqiperise.*

Shenja CE dhe shenjat e tjera shtese duhet te jene te paraqitura ne pajisjen radio sipas ketij rregulli teknik.

K R Y E T A R I

(Emri, Mbiemri)

(Firma dhe Vula)